



KO TE

KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, AKUHATA 23, 1917.

Panuitanga Whenua Maori hei Whenua Karauna i raro i Tekiona 374 o te Ture Whenua Maori, 1909.

(L.S.) LIVERPOOL, Kawana-Tianara.
HE PANUITANGA.

NOTEMEA kua whakaritea, *inter alia*, e tekiona toru rau e whitu tekau ma wha o te Ture Whenua Maori, 1909 (ka huaina i raro nei ko "taua Ture"), me tekiona tekau ma wha o te Ture Whakatikatika Ture Whenua Maori, 1914, ki te marama kua ata oti te hoko o tetahi whenua Maori e te Karauna i raro i te mana o taua Ture, ka ahei te Kawana ki te whakaputa i tetahi Panuitanga hei whakaatu kua riro taua whenua hei whenua Karauna.

A notemea kua ata oti te hoko ki te Karauna i raro i te mana o taua Ture o te whenua Maori e whakaaturia nei e te Kupu Apiti, ki tenei.

Na reira, i runga i te whakahaerenga me te whakatutukitanga i nga mana kua whakawhiwhia ki a au e tekiona toru rau e whitu tekau ma wha o taua Ture, me tekiona tekau ma wha o te Ture Whakatikatika Ture Whenua Maori, 1914, ko ahau, ko Arthur William de Brito Savile, Earl o Liverpool, te Kawana-Tianara o te Tominioua o Niu Tirenī, tenei ka panui ko te whenua e whakaaturia nei e te Kupu Apiti ki tenei kua riro hei whenua Karauna

KUPU APITI.

MATAMATA Raki Nama 1E Poraka : Tona nui e 23 nga eka ; Takiwa Ruuri o Wairere.

He mea tuku i raro i te ringa o His Excellency te Right Honourable Arthur William de Brito Savile, Earl o Liverpool, Knight Grand Cross o te Most Distinguished Order o Saint Michael me Saint George, Mena o te Royal Victorian Order, Kawana-Tianara, Tino Rangatira o te Tominioua o Niu Tirenī me nga Motu kei raro i tona mana ; he mea whakaputa i raro i te Hiiri o taua Tominioua, i te Whare o te Kawana i Poneke, i tenei te tekau ma whitu o nga ra o Akuhata, te tau o te tatou Ariki kotahi mano e iwa rau kotahi tekau ma whitu.

W. H. HERRIES,
Minita mo nga Mea Maori.

E TE ATUA TOHUNGIA TE KINGI!

Kahiti—A.

Whakaatu kua mutu tetahi Whenua te ekengia e Wahi XIV o te Ture Whenua Maori, 1909.

LIVERPOOL, Kawana-Tianara.

OTA KAUNIHERA.

I te Whare o te Kawana i Poneke, i tenei te tekau ma toru o nga ra o Akuhata, 1917.

Tu ana i reira :

KO HIS EXCELLENCY TE KAWANA-TIANARA I ROTO I TONA KAUNIHERA.

NOTEMEA kua meinga hei ture e tekiona iwa tekau ma ono o te Ture Whakatikatika Ture Whenua Maori, 1913, ka ahei te Kawana i ia wa i ia wa, i runga i te Ota Kaunihera, ki te ki ko tetahi whenua e ekengia ana e Wahi XIV e Wahi XV ranei o te Ture Whenua Maori, 1909 (ka huaina i raro nei ko "taua Ture"), a kua tau atu hoki ki tetahi Poari Whenua Maori, me mutu te ekengia o taua Wahi o taua Ture, a me whakahoki atu ano ki nga Maori no ratou taua whenua.

A notemea ko te whenua e whakaaturia nei e te Kupu Apiti ki tenei, e ekengia ana i naianei e Wahi XIV o taua Ture, a kua tau ki te Poari Whenua Maori o te Tak wa o Tokerau, a kua whakaae taua Poari me mutu te ekengia o taua whenua e taua Wahi XIV o taua Ture, engari me whakahoki atu taua whenua ki nga Maori no ratou.

A notemea kua marama te Kawana kaore taua whenua e ekengia ana e tetahi rihi, raihana, kanataraka hoko, auua tuku ke atu ranei, a kaore kau he moni e tiaatingia ana ki runga ki taua whenua ki nga reweniu ranei o taua whenua i raro i nga tikanga o taua Ture o tetahi mana ke atu ranei.

Na reira, ko His Excellency te Kawana-Tianara o te Tominioua o Niu Tirenī i runga i te whakahaerenga me te whakatutukitanga i nga kaha me nga mana kua whakawhiwhia ki a ia e tekiona iwa tekau ma ono o te Ture Whakatikatika Ture Whenua Maori, 1913, a i runga hoki i te tohutohu me te whakaae a te Kaunihera Whiriwhiri o taua Tominioua, tenei ka panui ko te whenua e whakaaturia nei e te Kupu Apiti ki tenei me mutu te ekengia e Wahi XIV o te Ture Whenua Maori, 1909, engari me whakahoki atu ki nga Maori no ratou taua whenua.